




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



Emri i biznesit: "Tau-Gen-Ingjineri" SH.P.K.
Numri Unik Identifikues: 810536328
Drejtor: Ilaz Qollaku
OSHMA: Radio Dodona
Adresa: Rr/ 28 Nëntori nr. 208, Dardania (Drenas/Prishtinë)



VENDIM

për ripërtëritjen e licencës të Ofruesit të Shërbimeve Mediale Audio – Radio Dodona, me seli në Drenas/Prishtinë

Fakte

1. Komisioni i Pavarur për Media (KPM), është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit. KPM-ja rregullon të drejtat, detyrimet si dhe përgjegjësitë e personave fizik dhe juridik të cilët ofrojnë shërbimet mediale audio dhe audiovizuale.
2. Radio Dodona është Ofrues i Shërbimeve Mediale Audio me mbulim lokal, i cili është licencuar nga Komisioni i Pavarur për Media (KPM), për transmetim tokësor analog të programeve të radios, me seli në Drenas/Prishtinë. KPM, me vendimin e datës 28 gusht 2016, lëshimin e licencës së Radio Dodona për një afat prej shtatë (7) vitesh, ndërsa më datën 28 gusht 2023, skadon afati i licencës së Radio Dodona
3. Me datën 18 prill 2023, KPM përmes e-mail ju ka dërguar shkresë të gjitha radiove të cilave afati i licencës ju skadon në vitin 2023, në mesin e tyre edhe Radio Dodona, përmes së cilës shkresë i ka njoftuar lidhur me skadimin e afatit të licencës dhe mundësin e ripërtëritjes së saj në pajtim me Nenin 25 të Ligji Nr. 04/L-44 për Komisioni i Pavarur të Mediave.
4. Më datën 24 gusht 2023, Radio Dodona ka dorëzuar kërkesë me shkrim në Zyrën Ekzekutive të KPM-së, përmes së cilës ka kërkuar ripërtëritjen e licencës. Arsyetimi i vonësës për të aplikuar nga Radio Dodona ishte se pasi që ishte hera e parë që i nënshtrohet procedurave për ri licencim, nuk e ka ditur mënyrën e aplikimit por ka aplikuar vetëm me një e-mail të thjeshtë.


Arsyetim

5. Ligji Nr. 04/L-44 për Komisionin e Pavarur të Mediave, përcakton se KPM është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit si dhe rregullon të drejtat, detyrimet dhe përgjegjësitë e personave fizikë dhe juridikë të cilët ofrojnë shërbime mediale audio-vizuale.
6. Neni 25 i Ligjit të KPM-së përcakton: *Përveç rasteve kur KPM-ja konsideron se licenca nuk duhet të ripërtëritet për shkak të shkeljes së dispozitave materiale nga ana e ofruesit të shërbimit medial audio vizuel privat për sa u përket kushteve dhe kritereve të licencimit, kandidati ka të drejtë të kërkojë përtëritjen e licencës nga Komisioni brenda gjashtë (6) muajve para skadimit të datës së licencës ekzistuese dhe minimum gjashtëdhjetë (60) ditë para skadimit të licencës.*
7. Me anë të shkresës së datës 18 prill 2023, lidhur me njoftimin për skadimin e afatit të licencës, KPM gjithashtu, ka njoftuar Radio Dodona lidhur me dokumentacionin e nevojshëm për ripërtëritjen e licencës.
8. Komisioni konstaton se, Radio Dodona përmes kërkesës me shkrim ka shprehur interesim për vazhdimin e veprimtarisë së ofrimit të shërbimeve mediale audio (radio) në lokacionin për të cilin është licencuar.
9. Komisioni e KPM-së konsideron se nuk janë evidentuar shkelja të tilla të dispozitave materiale të Ligjit dhe akteve nënligjore të KPM-së, nga ana e ofruesit të shërbimit medial, të Radio Dodona të cilat shkelje do të pamundësonin ripërtëritje të licencës.
10. Komisioni konstaton se Radio Dodona ka shlyer të gjitha obligimet financiare ndaj KPM - së, përfshirë këtu edhe pagesën e tarifës administrative për ripërtëritje të licencës, e paraparë me Rregulloren KPM-2017/06.
11. Komisioni konstaton se kërkesa për ripërtëritjen e licencës së Radio Dodona është dorëzuar në pajtim me dispozitat ligjore të parapara me Ligjin dhe aktet nënligjore të KPM-së.
12. Duke marrë parasysh faktin që Radio Dodona ka dorëzuar kërkesë me shkrim, përmes së cilës ka shprehur interesim për ripërtëritjen e licencës për të vazhduar veprimtarinë e ofrimit të shërbimeve mediale audio, nuk janë evidentuar shkelje serioze të dispozitave materiale si dhe se ka shlyer të gjitha obligimet financiare ndaj KPM-së, Komisioni vlerëson se kërkesa për ripërtëritjen e licencës së Radio Dodona i plotëson kushtet për miratim dhe njëherësh ripërtëritja e licencës së kësaj radioje është në interesin e publikut në zonën në të cilën operon Radio Dodona.

Vendim

13. Komisioni në takimin e datës 1 shtator 2023 merr vendim për miratimin e kërkesës për ripërtëritjen e licencës për Radio Dodona për vazhdimin e veprimtarisë së ofrimit të shërbimeve mediale audio, e cila veprimtari është në interes të publikut në lokacionin për të cilin është licencuar dhe në të cilin është duke transmetuar program Radio Dodona.

14. Licenca e Radio Dodona do të jetë e vlefshme për një afat prej shtatë (7) vitesh, ashtu siç është përcaktuar me Nenin 21, paragrafin 2, të Ligjit për KPM-në, ndërsa vlefshmëria e afatit të licencës do të llogaritet nga data 28 gusht 2023.
15. Të gjitha parametrat e licencës së Radio Dodona, siç janë: kategoria e të licencuarit, skema programore, parametrat teknike dhe harta e zonës së mbulimit do të mbesin të pandryshuar nga licenca paraprake.
16. Këtë vendim e lëshon Komisioni dhe i njëjti hyn në fuqi nga data e nënshkrimit.



Jeton Mehmeti

Kryetar

Komisioni i Pavarur i Mediave



01.09.2023

datë